

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Johannis Segeri Weidenfeld De Secretis Adeptorum Sive Usu Spiritus Vini Lulliani Libri IV

Weidenfeld, Johann S.

Londini, 1684

VI. Menstrua Vegetabilia simplicia ex spir. Vini phil. & Tartaro phil.

[urn:nbn:de:bsz:31-96282](https://nbn-resolving.org/urn:nbn:de:bsz:31-96282)

IV. GENUS.

*Menstrua Vegetabilia simplicia ex Spiritu
& Tartaro vini philos.*

29. Cœlum Vinosum Parisini ex sale Vini phil.
In Appendice Eluc. pag. 271. Vol.6. Tb.Chym.

Re. **P**rimam materiam Philosophorum, quæ chaos vocatur
(*mercurius vegetabilis, vinum philosophorum*) destilla
ejus spiritum (*ardentem*) & elementum aqueum (*phlegma*)
cum suo vase conveniente, prout suo loco docebimus, usque
dum corpus suum in fundo instar picis liquatæ maneat, quam
per duas destillationes cum suo elemento aqueo lava, deinde
affunde ipsi suum spiritum ad quatuor digitorum supereminen-
tiam, miscendo bene materiam, usque dum bene sit unita, &
imponere vasi ad destillandum in Balneo cum calore lento. Dein-
de pone in putrefactionem sex dierum, in vase conveniente,
& destilla in cineribus (*spiritum animatum.*) Tunc accipe alium
spiritum (*ardentem*) & affuso eo pone denuò in sex dierum
putrefactionem, & sic reitèra hoc magisterium, donec videas
spiritum animam ex corpore imbibisse & extraxisse, cujus si-
gnum infallibile erit, quando terram suam induratam & sic-
cam videbis. Tunc enim certus esse poteris, corpus pro salu-
te sua mortuum esse, quod vivificare & incorruptibile facere
poteris. Et non amplius timebit mortem, neque corruptio-
nem in hoc mundo. Jam accipe corpus prædictum, pondera
priùs, deinde impone vasi convenienti & infunde octavam par-
tem sui spiritus, qui animam ejus extraxit (*spiritus animati,*)
deinde pone vas tuum in ignem digestionis, de quo dicemus
postea, & continua ignem usque dum videas, quod terra im-
biberit suum liquorem. Aperi tunc vas tuum, impone alem-
bicum,

bicum, & collige paucum illum sudorem, qui gustum aquæ calidæ habebit. Imbibe nunc pro secunda vice materiam tuam cum septimâ parte supradicti spiritûs, qui animam continet, & perge facere regimen supradicti magisterii. Jam pro tertia vice imbibe cum sexta parte. Pro quarta vice imbibe cum quinta parte. Pro quinta vice imbibe cum quarta parte. Et non multiplica pondus supradicti spiritûs, verum continua sic, observando regimen supradictum, usque dum materia sit alba, quæ biberit suum spiritum, & cum animâ sua iterum fuerit unita.

℞. Jam prædictam Terram, & colloca in sublimatione conveniente, lutatâ vasis parte inferiore infra materiam, & fac sublimare partem puram ab impura. Et sic habebis nostrum Mercurium, qui est clarus & lucens sicut adamas. Is est, qui à philosophis per diversas metaphoras vocatur *prima materia vegetabilis*, *sal armoniacus*, *mercurius noster*, *sulphur nostrum Naturæ*, cum tamen una eadémque res sit.

℞. Alterum spiritum simplicem, quem de tuo Chaote extraxisti primùm, qui non extraxit animam suam, & modo sequenti illum subtiliorem redde. Accipe de materia prima vegetabili (*sale harmoniaco*) quam supra confecisti, libram unam, & pone in vase conveniente in Balneo, usque dum materia se dissolvat (*per deliquium*) deinde imposito alembico destilla aquam superfluam, tum superfunde tres libras prædicti spiritûs simplicis (*ardentis*) & convenienter occluso vase, ut infra patebit, pone in putrefactionem per unum diem naturalem, modo sequenti. Compara tibi vas æneum, unam spithamam cum dimidia circiter latum, & tres spithamas cum dimidia longum, quod versùs orificium habeat fundum cupreum multis foraminibus pertusum, ejus operculum unum vel duo habeat foramina, quod in vas intret, & illud bene claudat. Vasa autem vitrea, quæ isti cupreo vasi imponere volueris, convenienter debent esse operata. In cupreorum istorum putrefactionis vasorum parte inferiore sit aqua communis. Cuprea ista vasa pone super fornacem, substruendo ignem mediocrem, cujus vigore fumus, seu vapor aquæ ascendet, & vasa in quibus est materia tua, calefaciet. Hoc modo omne opus supremi nostri magisterii fovendum & præparandum erit. Deinde convenienter destilla in cineribus cum calo-

re

re solis calori haud dissimili, usque dum omnem ipsi succum abstraxeris. Tum dissolve materiam affundendo ipsi de spiritu simplici supradicto partes tres, respectu materiae, quae remansit in vase post ablatum ei praedictum succum. Reitera magisterium quarta vice, procedendo & observando ex asse omnia, ut supra. Sic habebis spiritum tui chaotus, qui à philosophis dictus est ignis depuratus, deductus de potentia in actum cum virtute materiae vegetabilis.

R. Igitur vas vitreum, forte, mensurae unius urnae communis capax, purum & longum, cujus collum sit forte, & duarum spithamarum cum dimidia longum, cujus operculum sit aliud vitrum, desuper cum collo inverso, praedicto vasi insertum, Antinotorium dictum, quod capacitatem quartae partis urnae communis habeat. In vas hoc circulatorium impone quatuor libras, & non plus, de spiritu depurato, quem de potentia in actum deduxisti cum virtute materiae vegetabilis, ut te supra docui, impone ad circulandum in Balneo vel in fimo per sexaginta dies. Et cum spiritus, de potentia per materiam primam vegetabilem in actum deducti conversio fuerit facta, tunc hoc inde cognosces, quod in fundo vasis hypostasis urinae hominis sani similis extabit. Tunc quintam Essentiam adamante lucidiorum & clariorem videbis, quae stellarum claritatem superat adeo, ut dubium sit, an in vitro continueatur, necne. Quam dextrè à sua hypostasi separare, & in vase optimè clauso in loco frigido conservare debes. Haec illa virtus est, quam invidi absconderunt & per innumeras metaphoras obscurarunt, nominando illam *Spiritum vitum*, *Aquam argenti vivi*, *Aquam vitae*, *Aquam caelestem*, *Aquam Dianae*, *Animam menstrui vegetabilis*, *Fumum*, *Ventum*, *nostrum Caelum*, *Sanguinem menstruaem*, *Urinam sublimatam*, *Menstruum*, *Aquam nostram sulphuris nostri*, *Lapidem nostrum benedictum*, tribuendo ei alia nomina infinita, quae hic tacemus, & unam eandemque rem esse per experientiam vidimus & cognovimus.

Annotationes.

*A*deptorum plurimi nullam aliam, quam hanc scire spiritus Vini phil. acuitionem. Unam enim rem, unicamque creditere methodum. At methodus haec inter difficiles non postrema

ma est, nec multum differt à Cælo vegetabili Lullii ex Tartari alcali confecto. Tartarus hujus vini minus oleosus est, quam Tartarus communis, propterea etiam huic, utpote altiori, annumeratur generi. Ut verò Receptum eò melius intelligamus, illud comparare convenit cum suo originali, desumpto ex Testamento novissimo Lullii.

30. Cœlum vinosum Lullii.

In Testam. Noviss.

R. **V**Inum rubeum, quod liquorem Lunariæ appellamus, & Nigrum nigrum nigro vocamus, & destilla aquam ardentem in Balneo, & illam rectifica, quousque sine phlegmate sit. Quod cognosces, quando comburit petiam lintei propter sui ardorem, quod facies in quinque vicibus, quandoque in tribus. Et cum habueris tale signum, divides illud in duas partes, & unam partem serva pro creando menstruo, & cum alia parte abstrahas animam à Terra (*massa picea*) per modum, quem tibi dicam. Fili, modus est, quod tu destilles phlegma, quousque maneat ad modum picis liquidæ, & tunc pone super illam de aqua (*ardente*) quam rectificasti tantum, quod supernatet materiam tribus digitis, & bene clauso vase pone in fimo vel balneo in digestionem per sex dies, postea destilla in cineribus calidis totam aquam, in qua est anima, postea auge ignem aliquantulum, & extrahe Oleum, quod serva. Postea infunde de alia aqua (*ardente vel Spiritu Vini phil.*) ut prius, & pone in putrefactione per sex dies, ut prius, & postea destilla in cineribus, primò aquam, postea oleum, & sic continua magisterium per eundem modum, quousque extraxeris totam animam à Terra; serva illam, quia est aqua animata, & oleum serva pro Tinctura. Postea terram siccam & induratum accipe, & calcina quousque albescat. Super talem terram debes dare animam, quæ est in aqua reservata. Fili modus est iste: R. Terram albam (*Sal*) & depuratam, & scias pondus, & pone in vitro, & super eam infunde octavam partem aquæ animatæ vase optimè clauso, & pone in balneo per tres dies, quousque videas spiritum ardentem condensatum

L

in

in Balneo, & illum rectificabis, quousque sine phlegmate sit. Tunc superposito alembico extrahe humiditatem sine gustu, quia anima amplexata est spiritum, qui est in ea parte. Et imbibere secundò cum septima parte aquæ animatæ, & digere, ut priùs, & destilla humiditatem. Tertiò imbibas cum sexta parte, & digere, & destilla humiditatem. Quartò infunde quintam partem aquæ animatæ, ut suprà. Quintò da quartam partem, & digere, ut scis. Et continua cum quarta parte semper digerendo & abstrahendo humiditatem quousque terra nostra sit prægnans & alba. Tunc accipe terram prægnantem & pone in vase sublimatorio lutato & bene clauso in igne tertii gradus per viginti quatuor horas, & sublima purum ab impuro. Et sic habebis, fili, vegetabilem mercurium sublimatum, clarum, resplendentem in sale mirabili. Fili scias, quòd philosophi, & nos appellamus id propriè *sulphur vegetabile*, *sal armoniacum*, *sulphur nostrum*, *sulphur naturæ*, & etiam multa alia nomina imponimus ipsi. Fili R. de sulphure hoc vegetabili, quod fecisti, unciam unam, & pone in vase vitreo, & superinfunde uncias tres de aqua tibi superiùs revelatâ (*aqua ardente summè rectificatâ*) & vase bene clauso cum coopertorio suo, pone in B. per unum diem naturalem, post destilla in cineribus, quousque quod poterit ascendere, ascendat, postea scias pondus salis tibi remanentis in fundo vasis, & infunde tres partes sui ponderis aquæ ardentis supradiçtæ, & pone in nostro balneo, per unum diem naturalem, postea in cineribus destilles, & sic facies tribus vicibus. Tunc totum sal vegetabile transactum est per alembicum cum sua propria aqua, & facta est mixtio & aqua clara, quam *simplex menstruum* vocamus. Fili, R. vas vitreum, quod sit vitrum album & solidum, & sit vas magnum, & pone intus libras quatuor vel sex (ad plus) hujus menstrui sic simpliciter soluti, & vase bene clauso & sigillato pone in Balneo, vel fimo sexaginta dierum spatio, & in isto tempore convertetur in quintam Essentiam gloriosam & odoriferam præter modum, quod cognosces quando in fundo vasis videbis hypostasim ad modum urinæ juvenis bene complexionati, & erit clara & resplendens, ut stella cæli. Serva eam in loco calido & humido, ut est Balneum, priùs separando eam ab hypostasi sua, & optimè sigillando vas.

Ambo

Ambo Recepta conveniunt in omnibus, nisi quòd Lullius, terram mortuam calcinet, & communi aquà dissolvendo & calcinando purificet, Parisinus non itè, cum tamen terra hæc, hac purificatione, ad sui spiritus receptionem aptior reddi videatur. Recepta duobus hisce constant membris, præparatione salis harmoniaci vegetabilis, & ejusdem salis reductione in liquidam substantiam sive menstruum. Præparatio salis harmoniaci absolvitur duabus operationibus. In primâ; Anima extrahitur mediante spiritu ex corpore, ut terra fiat inanimata fixa & cereæ fusionis in laminâ calidâ. In secundâ terræ huic fixæ anima restituitur per vices, & hoc variè, ut fiat volatilis: In amborum tam Lullii quàm Parisini Receptis terræ ita exanimatæ redditur spiritus animatus in octavo, septimo, sexto, quinto & tandem quarto sui pondere, usque dum penitus evanescat in lamina ignita; Hanc imprægnandi methodum, vel revivificandi corpus mortuum confirmabit & illustrabit

Sal harmoniacum vegetabile Parisini,

In Apertorio cap. F. & L. & parte secunda citharæ vel Violetta & cap. V. Elucid. pag.

235. Vol. 6. Theat. Chym.

Mercurius noster vegetabilis est principium illud præ cæteris omnibus hujus artis admirandum, quod consistit in præparatione & ablutione Terræ suæ pretiosissimæ, quæ tantæ virtutis est, ut nullo ingenio comprehendi possit, exceptis his, qui miraculosos ejus effectus adepti sunt. Intentio nostra est, ut accipiatur materia remanens (*in destillatione Vini phil.*) instar picis fusæ, cui affunde mortis suæ (*phlegmatis*) ad quatuor digitorum supereminentiam, agita ut tinctura ejus dissolvatur seu pars unctuosâ superflua, sine ut subsidat materia, tincturam decantâ, residuæ materiæ affunde novum phlegma, agitando & decantando toties, donec nulla amplius extrahatur tinctura, & terra remaneat alba, scintillans adamantis instar, quam in sole vel simili calore sicca, cui exsiccatæ & pulverisatæ tantum C. id est sui spiritus (*ardentis*) affunde, ut quatuor digitorum spatio supernatet, digere in alembico cæco

L 2

per

per tres dies naturales, tum destilla leni cinerum calore usque dum dispareant venæ, remoto recipiente bene ocluso, aliud appone, destilla aliquantulum fortiori igne omne phlegma, vase fregefacto exime materiam induratam, cui in pulverem redactæ & in eodem vase positæ affunde C. trium digitorum latitudine; luta & putrefac per tres dies, remoto alembico cæco, destilla per alembicum, usque quò ascendant venæ, tum muta recipiens, ut supra has iterabis operationes, donec Terra remaneat alba, & non fumet super laminam ignitam. Jam accipe phialam, cui impone Terram prædictam, luta bene phialæ collum, & pone ad digerendum, vel calcinandum potiùs, in cineribus, & habebis Terram pretiosissimam tuam jam aptam ad recipiendum suum spiritum (*animatum*) sive animam, cum conservatione radicalis sui humoris. R. Terram hanc & impone vasi rotundo, unius palmæ profundo, lato circa orificium, & imbibe eam cum anima sua vel spiritu animato, uti declarabimus cap. L. ita habes plenariam hujus rei instructionem, ita ut impossibile sit, te errare posse, modò sis christianus fidelis. Promiseram tibi (*pergit cap. L.*) dare plenariam directionem componendi omnia genera sulphurum pro nostro magisterio, videlicet sulphur minerale vegetabile & animale. Noli mirari, quod primò sublimaverim & vivificaverim sulphur naturæ minerale, cum hoc fecerim, ut illa darem in ordine, & ut eò melius possis attendere practicam tuam, & theoriam. Etiam si sciam, te non ignorare, nullam posse fieri dissolutionem absque sulphure vel vegetabili vel animali. Nunc ad propositum nostrum.

R. Terram vegetabilem præparatam modo eo, quem docuimus *cap. F.* eam imbibe cum suo spiritu animato, dando ejus octavam partem (*respectu terræ*) claude vas alembico cæco, digeratur in Balneo per octiduum, tum deposito hoc alembico abstrahe humiditatem omnem inspidam in leni cinerum calore, vel solis. Tum imbibe septimâ parte, digerendo in balneo, & destillando in cineribus, ut supra. Tum imbibe sextâ; tum quintâ tandem quartâ parte, & hac quantitate repete reliquas imbibitiones, donec terra ebiberit duas partes & ultra sui ponderis. Tum eam terram exime è vase, pulverisa & ejus parùm pone super laminam ignitam, si pro maxima ejus parte effumaverit, pone pulverem in sublimatorium & subli-

sublima sal armoniacum philosophorum, dans principium
vegetationis ambobus terrenis luminaribus (auro & argento)
absque quo neque opus vegetabile, neque animale, imò omnino
nihil fieri potest in hoc magisterio.

*Hanc Terræ fixæ volatilisationem absolverunt Adepti aliis
etiam modis, non semper observantes ordinem prædictorum pon-
derum spiritus animati in corporis mortui resuscitatione vel
imprægnatione. Aliquando enim terram hanc exanimatam
imbiberunt cum octava parte sui spiritus animati, toties usque
fiat animata iterum & volatilis fit facta. Ita Lullius suum
confecit.*

Sal harmoniacum vegetabile Lullii, *Libro de materia vegetabili in practica quarta.*

Rx. **V**inum excellens rubeum vel album, destilla lege artis
spiritum ardentem comburentem gossipium. Eva-
pora phlegma usque quò remaneat materia crassa instar picis
fusæ, cui affunde spiritus ardentis tantum, ut supernatet per
quatuor digitos: Digere per septimanam in balneo, postea
destilla ex cineribus spiritum animatum, terræ affunde de novo
spiritu ardenti, reiterando toties usque remaneat sicca & in
forma pulveris. Præterea destillabis de terra oleum ex cineri-
bus igno satis forti, ita ut terra nullum emittat fumum in lami-
na ignita. *Oleum istud, ut & phlegma nullius valoris sunt in
præsenti opere.*

Calcina vel reverbera dictam terram in vase clauso, cui in
alembico affunde spiritus ardentis animati partem octavam,
digere in balneo per tres dies, postea leniter abstrahe humidi-
tatem superfluum instar aquæ com. inspidam, imbibe ut an-
tea, & continua toties, usque terra facta sit volatilis, quod
cognosces, si parùm ejus in lamina ignita evaporetur ferè to-
tum. Terram hanc imprægnatam sublima in sublimatione igne
sublimationis per 24. horas. Sal volatile & sublimatum subli-
ma per se adhuc bis, quod spiritu ardenti dissolvitur, destilla-
tur & per 40. vel 50. dies circulatur in liquorem odori-
ferum.

Ali-

Aliquando imprægnaverunt terram ab initio usque ad ejus completam saturitatem cum quarta parte spiritus animati. Ita

Sal harmoniacum vegetabile Lullii,
In Apertorio suo.

℞. **D**E meliore succo Lunariæ, quem invenire poteris, libram unam aut duas, & pone in vas cum alembico, juncturis bene clausis & lutatis, pone ad furnellam, & fac sub-
tus ignem de uno lichnio, & sub tali lento igne prædicti spi-
ritus destillentur, & tamdiu, donec incipiat venas facere. Ideò quando phlegma incipit venare, tunc signum est, quòd spiritus destillatus sit, qui continet in se omnem perfectionem vitæ, & tunc recipe illum spiritum destillatum, & custodi ipsum optimè in vitro bene obstructo cum cera alba. Postea appone aliud receptorium sub alembico, & recipe secundam aquam, quia adhuc retinet de prædicto spiritu, licet non ita forti, sicut primo; de ista secunda aqua destilla tamdiu, quousque nihil amplius veniat nisi phlegma, quod non habet se aliter, quàm sicut aqua communis, gustando modicum, si adhuc habeat aliquam virtutem, tunc adhuc magis poteris destillare. Si autem sit sicut alia aqua pura in gustu, tunc depone receptaculum cum ista secunda aqua, postea pone aliud vitrum ad recipiendum totum phlegma, tamdiu destillando, donec nihil plus destilletur, & tunc totum phlegma effundatur, quoniam ipsum est, quod mortem infert nostro lapidi pretioso, & hoc vulgus non cognoscit, sed nos cognoscimus. Jam habes terram quæ mansit in fundo vasis nigra instar picis fusæ. Illa enim terræ calcinatio non potest fieri igne forti, sicut sophistæ credunt, sed ipsa fit per proprium spiritum suum, qui custodit eam à crematione quia suus spiritus animam à suo corpore trahit, & repellit phlegma suum superfluum, & terram mortificat, & postea eam vivificat. Ergo nunc calcina terram prædictam sub ista forma. ℞. Secundam aquam destillatam (*aquam ardentem phlegmate permixtam*) & funde eam super terram nigram (*picem*) in vase suo, & misce bene, quousque sit dis-

dissoluta, quia terra statim dissolvitur. Postea desuper pone alembicum & luta bene, & destilla spiritum cum uno lichnio, ut prædixi, donec videbis venas, tunc iterum separa Receptorium alembici cum spiritibus, & pone ad partem, & appone aliud receptaculum, & destilla ulterius, videndo, si adhuc ibi sint spiritus; sin minùs, tunc aqua, quæ destillatur, habet saporem, sicut aqua communis fontalis calida, quam effunde iterum, quia talis aqua phlegmatica est, quæ adducit mortem nostro lapidi. Et post totam destillationem accipe vas cum tota materia, quam tunc invenies magis duram, quam priùs, & hæc est ratio, quia ille spiritus attraxit sibi animam aëream de suo corpore, cò quòd ipse est locus, in quo anima continetur. Illam operationem reitera toties, donec videas materiam tuam calcinatam in fundo instar pulveris nigri, vel etiam tamdiu, quousque videas nullum amplius præstare phlegma, ita ut ultima aqua sit tantæ virtutis, fortitudinis, odoris & saporis, sicut prima. Et non ignores, quòd in tertia destillatione illos duos spiritus (*malè & bene rectificatos*) misceas simul super terram suam, tamdiu, quousque terra & spiritus habebunt illa signa supradicta, nempe terra sit calcinata, & spiritus nullum faciunt phlegma. Postea R. Terram & cum eâ quartam partem ponderis sui de spiritu, & pone ad vas tuum, quod nos appellamus Retentorium, & loca ad furnum continuando ignem lentum tamdiu, donec spiritus omninò coaguletur in terra. Scias, fili, quòd corpus, quod mortuum fuit, illud inducit se albis vestimentis, sicut, si Deus voluerit, videbis, quando prædicta experimentabis. Fili, istud reiterabis cum novo spiritu tamdiu, donec videas terram totaliter albam ad modum nivis. Et tunc terra est ingrossata & imprægnata cum æterna claritate, quæ infantem pariet, secundum istum modum. Quando terra fuerit verè alba, tunc fili extrahe eam ex suo vase, & tere eam, ut fiat pulvis minutissimus, & hoc fac super laminam vitream, postea iterum imponatur vasi, lutando ejus juncturas bene, & ponatur super furnellum, & accendatur ignis, continuando per triginta horas, & invenies in angulis & parietibus vasis Infantem nostrum, natum, & resuscitatum per modum pulveris albillimi pulcherrimi, & in tali claritate sicut corpus lunæ. Custodi ergò illam valdè honoratum, quia ipsa est

Terra

Terra nostra foliata, & dicitur spiritus corporum sublimatorum, converius in Terram foliatam, in eandem semina animam, &c.

Aliquando imprægnaverunt Terram hanc nullo observato pondere. Ita fit

Sal harmoniacum vegetabile aliud Lullii,

In Luce Mercuriorum.

℞. **V**inum rubeum vel album, pone illud in putrefactione in Balneo ad minus viginti diebus, ut partes ejus disgregentur, & melius possint separari. Postea per destillationem Balnei extrahas aquam ardentem lentissimo igne; quam toties pone in rectificatione, donec nihil maneat de phlegmate. Deinde per destillationem extrahas phlegma per ignem cineris, donec in fundo vasis remaneat tibi quædam materia ad modum picis liquidæ, & dictum phlegma ponas ad partem. Deinde recipe dictam materiam, & superfunde ei de phlegmate tantum, quantum supernatet ei quatuor digitis, & pone per duos dies in Balneo, postea per unum diem in igne cinerum, ut bulliat leniter, & invenies phlegma multum coloratum, quod per evacuationem in alio vase ponas. Cum novo phlegmate iterum per duos dies ponatur in balneo, & per unum diem in cineribus, deinde per evacuationem in alio vase ponas. Et sic procedas donec phlegma amplius non coloretur. Et si deficeret phlegma, tunc recipias phlegma coloratum, & per destillationem extrahas dimidiam vel tertiam partem ejus per balneum, & cum illo operare, ut supra. Cum verò illud phlegma non amplius coloratur, tunc remanebit tibi in fundo vasis terra quasi alba, & phlegma oleum totum secum attraxit. Si tu velis hæc ab invicem separare, pone in destillationem balnei, tunc phlegma solum ascendit, & oleum remanebit in fundo vasis rubicundissimum. ℞. Hanc terram & superfunde eidem de Mercurio (*vegetabili, sive aqua ardente*) ut supernatet duos digitos, & pone in ignem cinerum per unum diem
na-

naturalem, ut bulliat leniter, postea extrahes (*destilles*) ipsam terram per ignem cinerum, ut supra, & ponas ad partem. Et de alia aqua ardenti affunde dictae terrae, ut supernatet per duos digitos, & pone in cineribus per unum diem naturalem, deinde extrahe ipsum per destillationem cinerum, ut supra. Et sic procede, donec nihil amplius de spiritu (*anima alibi dicto*) remansit in terra, sed totum transiverit cum aqua ardenti, quod cognoscere poteris, cum terra remanserit in pulvere impalpabilissimo; & ponendo eam super laminam ignitam non dabit fumum, erit signum, quod sit sine spiritu (*anima*). Quam terram postea ponas in digestionem in tripode athanoris, & ibi stet per decem dies continuato igne. Postea R. de aqua ardente in qua est spiritus (*anima*) & superpone dictae terrae, ut supernatet per unum digitum, & pone in tripode athanoris per unum diem naturalem. Postea pone in Balneo, & per destillationem extrahas aquam ardentem sine spiritu (*anima*) quia spiritus remanet in terra, deinde desuper ponas de alia aqua ardenti, & sic reiterabis toties, donec terra biberit totum spiritum suum, quod cognosces ponendo terram super laminam ignitam, quia pro maiore parte ibit in fumum. Quam terram per sex dies naturales in tripode digere, postea pones in cineres augmentando ignem, donec per sublimationem oriatur mercurius vegetabilis ad latera vasis, & in fundo remanet *terra damnata*, quae non intrat in opus nostrum. Quem mercurium cito collige, & dum est recens, post ejus ortum, eum in mixturem pones cum aqua sua per duos dies, & fit aqua, quae habet dissolvere omnia metalla sub conservatione suae formae, quam aquam nos vocamus *menstruum vegetabile*.

Eodem modo quo sunt salia harmoniaca vegetabilia, conficiuntur etiam salia harmoniaca animalia. Ita fit.

Sal harmoniacum animale Lullii,

In Testam. Novissimo.

Fili, est alius modus hujus sulphuris naturae, scilicet animalis, in qua est subtilissima scientia, sicut in vegetabilibus, quod facies per modum quem te docebimus; & fili modus est,

M

ut

ut accipias urinam juvenum bonæ complexionis, & ponas in vase vitreo per quadraginta dies, donec putrefacta sit. Postea accipe cucurbitam, & superposito alembico in balneo per spatium quadraginta horarum, destillabis aquam claram, & remanebit in terra spiritus (*in pice anima;*) exsicca bene lutum, & aquam septies rectificabis, & sal album (*volatile*) quod fecerit in qualibet destillatione collige cautè, ne aerem sentiat, & pone in aqua (*spiritu*) sua. Postea terram & aquam (*picem & spiritum*) simul in balneo pone, vel fimo, per quatuor dies, postea in eodem balneo destilla, & pone iterum super terram, digere & destilla iterum, ut priùs, quatuor diebus. Tunc recipe aquam per se, & pone in fimo per duos dies naturales, & in balneo destilla, & iterum in fimo putrefacias, & continua hoc regimen quinque vicibus. Tunc aqua (*spiritus*) est optimè rectificata & limpida. Completo isto opere, redde aquam super terram (*picem*) & dimitte in fimo, postea in balneo destilla, & exsicca terram, & deposito alembico & posito alio operculo sublima per 24 horas naturæ sulphur animale. Tunc collige illud, & super terram, quæ remansit, superfundas aquam suam (*animatam*) & pone in fimo, & destilla in B. exsicca, & sublima, ut priùs, reiterando donec totum sulphur sit sublimatum. Fili, diximus tibi cum revelatione omnem modum sciendi vegetabilia sulphura nostra & etiam sulphur animale cum declaratione totius magisterii. Nunc cum auxilio Dei elucidamus tibi, quòd una est via & modus in animali & in vegetabili nihil variando.

Receptum hoc cum minus clarum sit, nullà factà mentione spiritus vini phil. sine quo tamen nullius esset valoris, ideò addam Experimentum sextum de animali rationali, ubi sic: Maxima sanè & incomprehensibilia summus ille Deus nobis munera largitus est; quæ agnoscentes diu noctuque cum toto corde amare, colere, & admirari debemus, ejusque nomen pro viribus ubique extollere. Nam, ut omittam, quòd nos ex nihilo creaverit, & suo sanguine pretiosissimo redemerit: Hoc alterum est, quòd hominem participem reddiderit dotibus omnibus, quæ in majori mundo continentur, hâcque de causa microcosmus dicitur. Siquidem nobis divino numine revelatum est, ipsi homini inesse virtutes omnes tam animales & vegetabiles, quàm minerales. Ac hoc ipsum verum esse, hoc mirabili experimento comprobabimus.

R. Uri

℞. Urinam puerorum, qui ab octavo anno induodecimum & ultra non evadant, quam urinam ex ipsis pueris manè ex lecto surgentibus collige, cujus magnam quantitatem te habere oportet, quæ vase vitreo putrefacienda est quamoptimè, ocluso vase ne respiret, cujus vasis duæ partes debent esse plenæ, reliquæ vacuæ, atque hoc pacto intra finum equinum collocari debet ad putrefaciendum, quousque ipsa urina nigrescat, quod intra quadraginta vel quinquaginta dies contingere solet. Sed ut ipsa urina brevioris temporis spatio putrescat & nigrescat, hoc secreto habuimus & vero experimento comprobavimus, immiscendo & conjungendo cum prædicta urina, cyathum aquæ vitæ (*philos.*) quæ sit prius rectificata quamoptimè, atque hoc putrefactionem accelerabit. Factâ putrefactione constitue urinam in urinali, (*cucurbita*) cum alembico & recipiente optimè clausis, cujus vasis duæ partes sint plenæ, tertia verò vacua, atque in balneo lento igne destillabis ex tribus partibus unam, vel quamdiu in capello procreet venas. Quibus venis elapsis & evanescentibus, recipientem remove, & oclusum optimè cum aqua destillata conservabis, quæ est ejus mercurius (*spiritus*) in loco frigido quantum poteris: Deinde destillationem continuabis augendo ignem, & destillabitur ejus phlegma, quod vehementiorem ignem exigit, ut alembicum exire possit; atque hoc modo continuabis destillationem, quousque corpus appareat ad similitudinem mellis vel picis fusæ; tum sine vas frigescere, & phlegma, quod destillabit, servabis. Postea accipe primum mercurium seu primum spiritum, quem in principio destillasti, quem rectificabis hoc modo: Pone igitur illum in bociam magnam, cujus altitudo sit unius brachii & mediæ, postea in collo bocia immitte licinium (*lichniam*) bombacis tantum, quantum sufficit ad ocludendum os ipsius bocia, quod licinium sit prius madefactum oleo, & expressum, & filo canabaceo ligatum; ut ex collo ipsius bocia ipsum, quandocunque volueris, poteris extrahere, nec intrâ bociam valeat decidere. Appone demum bocia alembicum cum recipiente, juncturis optimè clausis, cum flore farinæ & lineis fasciis illitis, hoc est impastatis ipso bitumine farinæ ad collum bocia firmiter alligatis, ne vasa respirent. Quo bitumine (*luto chymico*) desiccato, constitue bociam ad ignem balnei leniter ferventis, & materia sublima-

bitur in pretiosissimum salem. Hoc tamen adverte fili, ut rostrum alembici sit amplum & patens, ne sal ex cucurbita emergens ac sublimans obstruat os rostri ipsius alembici, cum in recipientem emanabit, quod si fieret, rumperentur vasa, ut antea quoque nobis accidit, cum hoc experimentum ad practicam contulimus. Cum totum salem videris per distillationem transactum, remanebit in boccia quaedam aqua phlegmatica, quam projice, quia nihil valet. Salem autem transactum cum cautela evacuabis, ac vase vitreo servabis quam optime occlusum, quod sal erit volatile, & eo utemur ad corporum dissolutionem vel ad compositionem medicinarum. Est etiam alius modus praedictum spiritum sive mercurium animale rectificandi sive purgandi. Accipe ergo illum animale spiritum, ac destilla per balneum, & transacta medietate liquoris, remove recipientem, & quod in vase remanet projicito. Quod autem destillatum est, iterum destillabis, ex eo accipiens duas partes, quod in vase remanet iterum, ut supra, projicito. Tertio vero, quod transactum est, destillabis; & ex eo recipias paulo minus totum, atque hoc modo spiritum sive mercurium animale rectificatum perfecte habebis; quo poteris exanimare suam terram, quae superius tibi mansit in similitudinem picis fusae. Accipe ergo picem illam fusam, sive magis terram fusam, ac illi superinfunde tantum de praedicto spiritu animali, ut supernatet quatuor digitis, claude vas cum suo antenotario, cum cera gummata, ne respiret. Postea vas ipsum sive urinale concutias quamoptime, ut spiritus incorporetur, & terra melius conjuncta spiritui dissolvatur, pone in putrefactione per duos dies naturales, deinde amoto antenotario, & cum celeritate superimposito alembico cum recipiente, juncturis bene clausis ne respiret, destillabis per cineres. Cave tibi a fumo, cum vas aperueris, sunt enim potentissimi. Transacto igitur per distillationem toto spiritu, ignem augebis, ut anima imprimatur in aquam destillatam, ac denique iterum ita gradatim ignem augebis, quousque sublimetur alius sal sive sulphur. Cum non amplius sublimabit, frigefacto vase collige sublimationem, quam cum spiritu animato collocabis nuper destillato. Postea materiam duram & crematam remanentem in vase extrahe, & trituras, & iterum illi, ut supra de novo spiritu infunde, & clauso vase cum suo antenotario iterum,
ut

ut supra, putrefacias, amotóque antenotório, & supraposito alembico cum recipiente firmiter ocluso, per cineres destillabis spiritum animatum. Quo transacto, iterum, ut supra, in fine augebis ignem, ut aliqua pars olei transmittatur, atque alia pars sulphuris sublimetur. Cum autem videris nihil ultra destillari, nec quicquam sublimari, finito vas frigefieri, & animatum spiritum nuper destillatum cum altero prius destillato conservabis. Sic etiam, si qua pars salis per sublimationem ascenderit, eam cum prædicto spiritu simul misceto, ut supra, & clauso firmiter vase hæc omnia conservabis. Tunc iterum super terram de novo spiritu superinfunde, ut supernatet tribus digitis, & annexo antenotório, ut supra putrefacias, ac demum per cineres, ut supra destillabis. Cum autem amplius nihil destillabit, ignem adjunctis lignis augebis, quantum possibile fuerit, ut terra ipsa calcinetur, ac in hac tertia operatione convertatur in beretinum sive cineritium colorem. Mox frigefacto vase & amoto recipiente cum spiritu animato, cum reliquo spiritu animato conservabis: Terram verò pone in vas fictile sive cretaceum, quod sit solidum ac sustinere ignem possit, quod claudes cum suo capello, subministrans ei vehementem ignem, quantum fieri possit de lignis, atque ita per duos dies continuabis, tunc per id temporis spatium terram calcinaveris frigefacto deinde vase, extrahe dictam terram, quæ erit alba propemodum vel beretini coloris clari & nitidi; supra quam infunde tantum de suo phlegmate, ut supernatet quatuor digitis, ac in cineribus sinas fervere per quatuor horas, ac postea decantabis liquorem cautè in aliud vas, ac serva. Remanentem terram desiccabis, atque illi infunde iterum de novo phlegmate, ut supra, fac postea bullire ut supra, mox decantabis, ut supra, ac terram desiccabis, ita magisterium reiterabis, donec tota terra dissoluta fuerit; vel tota ejus pars in illud phlegma imprimatur, quod fortè accidet terna vel quaterna dissolutione. Si quid insolutum permanserit, projicito; est enim terra inanis. Quæ autem cum phlegmate transacta fuerit, eam trans mitte per filtrum, postea iterum per pannum lineum subtilissimum transire facias; quo facto, dissolutionem in igne cinerum lentissimo congelabis in urinali vitreo: Cui suppositus sit alembicus cum suo recipiente. Quo congelato iterum dissolve in eadem aqua nuper destillata per filtrum, postea.

postea per pannum iterum transmittas, postremo congelabis, ut supra. Hoc autem magisterium toties reiterabis, donec in filtro, nullam amplius terrestreitatem emittet. Tunc servato *salem nostrum armoniacum physicum, sulphur animale nostrum, mercurium animale fixum nostrum*, de quo paululum quid super laminam igneam colloca, & si fluat tanquam cera sine fumo, signum est, te habere argentum vivum fixum ac perfecte depuratum, cum quo plurima experimenta haurire poteris. Hic est ille mercurius, qui aptissimum nobis subsidium præbuit, ut in inferioribus experimentis comprobabitur.

Terræ huic exanimatæ redde spiritum animatum variis imbibitionibus, per modos descriptos in salium harmoniacorum vegetabilium præparationibus, quoniam unam esse viam & modum in animali & in vegetabili, nihil variando, dixit Lullius. Cum verò horum salium confectioes satis tædiosæ sint, pro coronide addemus Lullii modum accurtationis.

Sal harmoniacum vegetabile per accurtationem Lullii,

In Testam. Noviss.

Fili cum Dei adjutorio illud sulphur (*naturæ*) potest mirabiliter accurtari, & modus talis est. Ut accipias picem nostram liquidam (*post abstractionem phlegmatis relictam*) & illam pone in cucurbita, in igne tertii gradus, & extrahes oleum, quousque sicca remaneat terra & combusta. Fili calcina, ut te docui, & depura terram, & sic separa sal ab ea, & super illam da quartam partem spiritus, qui est in secunda aqua (*jam ex pice destillatâ*) & digere, ut supra, abstrahendo postea humiditatem (*superfluam, inspidam & rejiciendam*) iteratò da quartam partem, digere & exsicca, ut prius, quousque terra sit prægnans. Signum erit quod amplius nihil destillabit (*phlegmatis vel humiditatis prædictæ*) sublima, & habebis vegetabile sulphur mundum & purum, & ejusdem virtutis cum primo, fili cum Dei timore monco, ne hoc excellentissimum accurtamentum alicui reveles.

Pari-

Parisinus in sua confellione salis harmoniaci vegetabilis oleum è pice Vini phil. extractum, superfluum & alienum esse dixit: Se-para, inquit, omnes unctuositates superfluas, quæ perfecta & pretiosa elementa, in ista materia vegetabili permixta & latentia, comburunt, & ab ista compositione sunt alienæ. Et paulò post: Post separationem unctuositatis & substantiæ aëreæ superfluæ, quæ cætera hujus compositionis elementa pretiosa denigrat & comburit, suum spiritum ardentem & cælestem ipsi affundes.

Imò ipse Lullius in antecedentibus oleum istud, ut & Vini hujus phlegma, in opere præsentis nullius esse valoris pronuntiavit; nihilominus in hac salis harmoniaci accurtatione, non solummodò usus est oleo dicto, & quidem, (quod mireris) pro laboris tædiosissimi abbreviatione, sal harmoniacum autem ita confectum, ejusdem virtutis cum cæteris esse prædicat. Aliquando pro præsentis accurtatione unà cum oleo etiam aqua vel spiritu animato usus fuit sic:

Sal harmoniacum vegetabile aliud per accurtationem Lullii,

Libro de materia vegetabili in practica septima.

R. **V***Inum optimum rubrum, destilla secundum artem spiritum ardentem, ita ut comburat gossypium, postea phlegma. Super materiam restantem in fundo alembici, crassam instar picis fusæ, affunde phlegma ad dimidii pedis super eminentiam, bulliat per tres horas, decanta phlegma tinctum, aliud superaffunde, repetendo toties, usque non amplius tinctum. Si phlegma tuum non sufficeret, oportet, ut in balneo abstrahas phlegmata tincta; quibus evaporatis remanebit in fundo vitri oleum vegetabile. Tincturâ phlegmate extractâ, materia remanebit instar terræ siccæ, super hanc terram siccam funde de spiritu ardente ad quatuor digitorum super eminentiam; bulliat per duas horas, quod interea destillaverit reaffeunde terræ, subsadat per duas horas, tum decanta spiritum animatum à spiritu vel anima terræ. Super terram funde novum spiritum facien-*

faciendo, ut supra, tribus vicibus. Terram nigram & calcinatam pone in vitro longi colli, cui affunde oleum vegetabile (*supradictum*) digere in cineribus per decem dies, quod postea decanta, & pone in alembico, cui adde quartam partem spiritus ardentis animati, digere in balneo vaporoso per 24 horas, tum superaddere continua singulis 24 horis reliquas tres partes spiritus animati. Tum leniter destilla ex cineribus humiditatem superfluam, inspidam & inutilem, & augmentando ignem per gradus sublimabis sal volatile, &c.

Haftenus de variis præparationibus salium harmoniacorum vegetabilium; jam persequemur Cæli vinosi alteram partem, videlicet variam horum salium reductionem in liquidam substantiam. Adepti ut plurimum salis harmoniaci veget. partem unam destillarunt per alembicum cum partibus tribus aquæ ardentis, cui liquori iterum addidère salis prædicti partem, & destillavère, idque repetierunt tertium aliquando quartum, ita ut salis & Aquæ pondera sint æqualia, nam quò major salis ejusdem quantitas est, eò menstrui qualitas est fortior. Tandem menstruum circulavère, ut inde evaderet purius & excellentius. Quamvis autem methodus hæc adeptis magis consueta fuerit, nihilominus illorum vel curiositas vel sedulitas etiam alios adinvenit modos, ita loco aquæ ardentis, quâ præparârunt tam sal harmoniacum veg. quàm menstruum, aliquando receperunt aquam ardentem circulatam sive Cælum vel Essentiam Vini phil. sub No. 1. descriptam. Ita sit

31. Cælum vegetabile circulatum Lullii,

Lib. de materia vegetabili in practica quinta.

R. **V**Inum optimum album, destilla spiritum ardentem usque comburat gossypium: Pone spiritum hunc in circulatorio duarum tertiarum vacuo, muni orificium cerâ, & sepeli in fimo calido, ita ut orificium sit inferius, & vitri fundus superius, ita circuletur & digeratur hic spiritus per 45 dies, vel eo usque donec magis subtile & clarum supernatet (*in forma*

ma olei, vide Cælum vel Essentiam Vini phil. sub No. 1.) sign^o hoc viso, vitrum exime cautè, & acu perfora ceram, ut impurum effluat, tum subito inverte circulatorium, ut purum vel magis subtile remaneat, quod appellamus *spiritum ardentem circulatum*, qui est suavissimi odoris. Jam recipe reliquum, de quo spiritus vini fuerit abstractus, & destilla phlegma. Et super materiam remanentem instar picis fusæ affunde phlegma dictum, ut supernatet per quatuor digitos, digere per duos dies in balneo, decanta phlegma tinctum, & aliud affunde, idque toties reitera, donec phlegma non amplius tingatur, quod est inutile in hac operatione. Terram jam calcina in Reverberatorio, & pulverisa, & impone alembico, & imbibe octava parte spiritus ardentis circulati, digere in balneo per duos dies, & destilla ex cineribus humiditatem quandam superfluam. Continua hanc imbibitionem, digestionem, & destillationem, donec terra fuerit imprægnata spiritu sicco, qui erat in spiritu ardentis circulato, cujus erit signum, si ferè totum evaporabitur, cum parùm ejus fuerit projectum super laminam ignitam. Hanc terram imprægnatam in sublimatorio positam sublima secundum artem in sal volatile, quod in balneo digere per duos dies, & amplius cum partibus sex spiritus ardentis circulati, decanta leniter dissolutionem, & si quid restet indissolutum, cum hoc procede ut supra. Hanc dissolutionem circulabis per 30 dies, & erit quinta Essentia comparanda in virtute cum Auro potabili veterum.

Quemadmodum juxta ponderis varietatem menstrua hæc vel debiliora sunt vel fortiora; ita etiam magis vel minus pura evadunt ex longiori vel breviori vel omnino neglectâ circulatione, sunt etenim quedam hujus generis menstrua, quæ non circulantur Adepti; pro exemplo erunt sequentia.

32. Menstruum vegetabile minus Lullii,

In libr. de materia vegetabili in practica prima.

R. VINUM optimum, (*rubrum melius est*) ejus libras duas cum alembico cæco; juncturis bene lutatis, pone in balneo, ad leniter putrefaciendum per 45 dies. Tunc appo-
N sito

Vini cucurbitæ

fito alembico augmenta calorem, ut destilletur spiritus ardens, quem ter rectifica per se, vel toties usque quo fit absque omni phlegmate & comburat gossypium, serua spiritum hunc ardentem bene clausum in loco frigido. Accipe materiam remanentem in destillatione prima, & abstrahe phlegma donec remaneat crassa instar picis fusæ, super quam funde spiritus ardentis tantum, ut supernatet per spatium quatuor digitorum, digere per tres dies in balneo, postea leniter destilla ex cineribus per tres dies, & medio ignis fortioris spiritus ardens transportabit secum animam, quod peragere non potuit in balneo; serua destillatum. Remanenti materiae affunde novum spiritum, faciendo toties, donec tota anima fuerit transacta, quod cognoscas, si projiciendo parum hujus materiae super laminam ignitam, nullum emittat fumum, quoniam materia jam despoliata est animam suam, quam nos appellamus *terram siccam*; Quam imbibe octavam parte spiritus ardentis animati, digere per tres dies in balneo, postea destilla leniter ex cineribus humiditatem superfluum, instar aquae communis inspidam. Perage secundam imbibitionem cum septima parte, & sic continua faciendo, ut supra, donec terra gravior sit facta in quarta parte sui ponderis, & erit disposita, ut redigatur in sal volatile per modum sublimationis. Terram itaque hanc bene pulverisatam pone in sublimatorio administrando ignem secundum artem, & quod invenies sublimatum, album ad modum nivis, est sal volatile, quod servabis in vitro bene clauso. Accipe hujus salis volatilis partem unam, spiritus ardentis partes sex, digere in cineribus, & dissolutio est quinta Essentia vegetabilis apta ad dissolvendum corpora perfecta solis & lunæ; ad conficiendum Elixir, & alia medicamina pretiosa & benigna.

Sal harmoniacum vegetabile aqua ardentis dissolutum (pars ejus una salis in sex spiritus) componit praesens menstruum; sequens autem praeparatur ex sale harmoniaco, resolutio per deliquium.

33. Menstruum vegetabile per deliquium Lullii,

Lib. de materia vegetabili in practica secunda.

R. **V**inum album optimum, quod putrefac in balneo per 20 dies vel diutius, postea destilla spiritum ardentem secundum artem usque dum comburat gossypium; abstrahe deinde phlegma usque remaneat in fundo alembici materia spissa instar picis fusæ. Cui materiae superfunde tantum phlegmatis, ut supernatet per quatuor digitorum spatium, digere in balneo per duos dies, & in cineribus per unum diem; decanta phlegma tinctum; materiae affunde novum phlegma, faciendo ut supra, donec non amplius tingatur, & materia remaneat in fundo vasis instar terræ albæ. Super hanc terram funde spiritum ardentem ad duorum digitorum eminentiam, digere per diem in cineribus, & anima, quæ in terra est intrabit spiritum ardentem, decanta spiritum ardentem animatum: Affunde iterum super terram de spiritu ardente, faciendo id toties, ut supra, donec spiritus non amplius extrahat animam, & terra remaneat in forma pulveris subtilissimi, despoliata totâ animâ suâ, quod cognosces, si non fumet super laminam ignitam. Terram hanc digere per decem dies in balneo, postea pone in balneo, & affunde tantum phlegmatis tincti, ut supernatet per duos digitos, destilla in balneo, destillatum tanquam inutile quid abjice, tum rursus affunde phlegma tinctum super terram, reiterando ut antea usque dum nullum phlegma supersit, & terra imprægnata sit omni tinctura, quæ erat in phlegmate. Facto hoc, imbibe terram spiritu ardenti animato, digere calore leni in balneo, usque dum terra bene fuerit exsiccata, postea imbibe iterum & toties, ut antea, donec spiritus ardens animatus fuerit à terra absorptus, eaque volatilis facta, quod cognosces, si parum ejus projectum super laminam ignitam pro majori parte effumaverit. Postea pone materiam hanc in sublimatorio, & sublimâ igne sublimationis, & sublimatum est sal volatile materiae vegetabilis. Pone sal istud volatile in phiala, digere in

balneo per diem, & reducetur in aquam, quam appellamus *menstruum vegetabile*, quod est dissolvens mirandum pro dissolutione radicali duorum luminarium.

Aliquando menstrua hæc consecere adepti non ex sale harmoniaco vegetabili, sed sequenti modo.

34. Mercurius vegetabilis Lullii, *Lib. de materia vegetabili in practica sexta.*

℞. **V**inum optimum odoriferum, pone in circulatorio satis amplo, claude optimè cum sulphure fuso dictum vas, & putrefac in balneo per 12 vel 15 dies. Postea destilla spiritum & phlegma secundum artem, usque donec spiritus comburat gossypium; super materiam remanentem instar picis fusæ funde partes sex phlegmatis, digere per duos dies in cineribus, agitando vas aliquando, decanta phlegma tinctum, aliud affunde, & faciendo ut supra donec extraxerit omnem tincturam, & terra nigra remaneat in fundo alembici. Pone phlegma tinctum in alembico, & destilla in balneo, & quod remanebit in fundo vasis, erit oleum vegetabile. Supra terram nigram autem funde spiritum ardentem ad superminentiam quatuor digitorum, destilla ex cineribus, & destillatum erit spiritus ardens imprægnatus; materiam affunde novum spiritum ardentem, reiterando ut antea tribus vicibus, at in ultimâ augmentando ignem circa finem. Calcina terram igne reverberationis in albedinem, ex qua sal fixum extrahe cum parum phlegmatis. Sal fixum pulverisatum pone in alembico, affunde spiritum ardentem animatum ad duos digitos, destilla leniter in balneo humiditatem inspidam & inutilem, reitera ut antea usque dum spiritus animatus ascendat absque suæ virtutis diminutione, & tum habebis sal fixum acuatam, quod pone in alembico, & affunde oleum vegetabile ad trium digitorum superminentiam, digere in cineribus per diem, augmenta ignem & destilla quicquid ascendere poterit, destillatum serva cautè, quoniam est *mercurius vegetabilis*. Si verò quid restet de sale in alembico, eandem repetere operationes oportet, usque tandem omnis mercurius vegetabilis transeat per alembicum, qui extrahet tincturam
Auri,

Auri calcinati cum mercurio vulgi & sale, & tandem cum sulphure, quæ est excellens quoddam Aurum potabile.

Aliquando sola cobobatione (absque omni imbibitione) hæc præparavere menstrua; sit pro Exemplo

35. Aqua vitæ rectificata Lullii, *In Potestate Divitiarum.*

R. **V**inum, separa spiritum cautè, quanto citius & purius poteris, quia nunquam ita cautè ipsum separabis, quin aliquam in se partem contineat purioris substantiæ phlegmaticæ, id est, aqueitatis. Ilte spiritus semel separatus vocatur *Mercurius*, id est, aqua ardens, cujus signum est, quod si intinxeris in eo pannum lineum, inflammabitur (si accendatur prius) & non comburetur, si verò pluries separaveris (rectificaveris) vocatur *Lunaria rectificata*, id est, aqua ardens rectificata, cujus signum est, quod pannus lineus tinctus in ea totaliter comburatur. Separa jam totum phlegma superfluum, donec nihil penitus remaneat, & remanebit inferius pix in olla. Tunc Lunariam, id est aquam ardentem rectificatam commisce cum illa substantia, facta sicut pix mollis, bene movendo donec incorporetur, & pone ad destillandum, & quod egreditur, vocatur *sanguis humanus rectificatus*, quem quæerunt Alchymistæ; item vocatur iste sanguis *Aër* vel *Ventus*, & de hac re loquutus est Philosophus cum dixit: Portavit illum Ventus in ventre suo. A residuo, destillando separa oleum superfluum (*vegetabile superius dictum*) per alembicum vitreum, donec nihil remaneat, quod oleum ad partem serva, quousque tibi dixerò. Residuum verò erit substantia nigra & sicca, quam pulverisa subtiliter, & cum sanguine humano rectificato misce per minima, & dimitte stare simul per spatium trium horarum, & postea destilla, & tunc hæc aqua vocatur *Aqua ignea rectificata*. Tunc caput mortuum calcina in furno reverberationis, donec efficiatur sicut calx, & calcem hanc misce cum aqua ignea rectificata, & destilla septem vicibus, & tunc vocatur *Aqua vitæ rectificata*.

Idem menstruum habent Paracelsus libro de Elixire Vitæ, &

Au

Author Appendicis Volum. tertii Theat. Chym. Menstrua hæc à supradictis ex sale harmoniaco confectis non differunt nisi præparatione, in illis tota terra vini phil. spiritu proprio redigitur in liquidam substantiam, quâ idem perfcitur opus, sed alio modo. Huc referrî debet menstruum Guidonis, quod ita componitur.

36. Circulatum minus Guidonis, In Thesauro chymiatrico.

Re. **S**piritus vini (*phil.*) libram unam, salis vini (*eiusdem*) unciâs quatuor, misce, juncturis bene clausis destilla per alembicum in balneo, destillatum reafunde & cohoba quater, & erit præparatum. *Lullius salia sua harmoniaca cum difficultate quadam redigit in liquidam substantiam, at Guido sal vini phil. quatuor cohobationibus destillat in idem menstruum. Abbreuiationis causa quærenda est in præparatione istius salis; quæ duplex est, communis vel secreta: De communi ita Guido; Destillato vini spiritu ardente, abstrahe phlegma, donec materia in mellis tenuioris substantia remaneat, quæ in cella frigida dabit cristallos nitro similes, quæ dicuntur sal vini, quas exiime & serua, residuum evapora parumper, & accipies plures, &c.*

De secreta autem huius salis confectioe ipse etiam Guido pag. 8. Thef. Re. Salis vini & spiritus vini ana unciâs quatuor, digere per octo vel decem dies, abstrahe leniter in balneo, & ascendet tantum phlegma, & habebis salis Vini unciâs sex, cui sali iterum adde ana spiritus sui, iterumque digere per decem dies, & abstrahe phlegma, sali remanenti affunde novum spiritum, & procede ut supra, & ita augmentabis sal vini juxta placitum. Hæc posterior salis Vini confectio, non solummodo sui ipsius multiplicatio est, & tam quantitatis, quàm qualitatis additio, sed insuper etiam est sui ipsius volatilisatio. Non mirum ergo est, quod sal, cujus medietas erat vini phil. spiritus, tam facile ascendat cum eodem spiritu. Observandum est tamen quàm maxime, ne nimia unctuositatis additione nimium temperemus salis vini ariditatem, & loco menstrui huius generis consiciamus debilius aliquid secundi generis. Quod

Quod de menſtruis vegetabilibus dictum, hoc itidem intelligendum eſt de menſtruis animalibus. Pro exemplo dabitur,

37. Cœlum animale Pariſini,

In Apertorio.

R. URinam puerorum, qui ſint inter octavum & duodecimum annum, bonæ diſpoſitionis & valetudinis, quam collige bonam & in bona quantitate, & pone in pluribus vaſis vitreis, quæ adimplere ultra duas tertias non debes, ut eò melius poſſit circulari. Singulis decem menſuris urinæ admisce C. noſtri (*aquæ ardentis phil. menſuram ſemis*) quod ſit abſque omni phlegmate, vaſa optimè cerâ ſigillata pone ad putrefaciendum per 15 dies, & tum materiam invenies nigram & à ſua terreſtreitate ſeparatam. Et ſcias, quò longius remaneat in putrefactione, eò perfectius fit opus. Singulis quinque diebus mutandus eſt ſimus. Tum effunde in vaſ, quod deſcripſimus in opere vegetabili, & deſtilla juncturis bene lutatis, uſque videas ſignum, de quo loquuti fuimus in cap. B. ſed pro certiori ſigno deſtillabis tantummodò duas partes, tum amoto recipiente appone aliud, & continua deſtillationem, uſque dum remaneat inſtar ſyrupi vel picis fuſæ. Tum accipe has duas partes reſervatas, & deſtilla ex eodem balneo, recipiens tres partes ex quatuor, relictam quartam abjice. Ex his tribus verò deſtilla medietatem, & iterum deſtilla ex hujus medietatis quatuor partibus tres partes, quas bis deſtilla per ſe, & ſic habebis florem tuum rectificatum quo extrahimus Acetum acerrimum ex propria terra. Accipe ergo hanc terram in forma ſyrupi exiſtentem, cui affunde florem (*ſpiritum*) ad trium digitorum eminentiam, claude vaſ alembico cæco & luta juncturas cum cera gummata, pone in putrefactione per tres dies naturales, oportet interdum commovere materiam in vaſe lutato, ut partes ſalinæ eò melius diſſolvantur. Poſtea depono alembicum cæcum, & appone alembicum commune, verum in hac mutatione caveas, ne ſalium acido noſcat oculis tuis. Tum deſtilla leniter in cineribus & quum tali calore extraxeris

totam aquam, adauge ignem, ut oleum vel anima eius ascendat etiam una cum aqua destillata, cujus pars sublimabitur, pars altera instar pulveris albi adheret superficiem terrae: Sine frigescere, sublimatum collige, collectum pone in aqua sua, claude vas optime quoniam continet florem (*spiritum*) animatum. Tum exime terram aridam remanentem, quam in pulverem redige in lapide porphyrio, cui affunde florem (*sive spiritum*) ad trium digitorum latitudinem, putrefac per tres dies, destilla ex cineribus, augendo ignem cum ligno ut supra, toties iterabis istud magisterium usque dum terra remaneat cineritii coloris. Tum eam calcinabis in reverberatorio, uti te docuimus in opere minerali *in cap. 2.* & ita habebis terram animale preparatam, plenam tantae virtutis, ut exprimi nequeat. O potentia absoluta, a qua reliquae omnes dependent potentiae, cuinam rei similem insudisti virtutem? Nemo comprehendet tam magnum secretum; nullus credet nisi ipsemet viderit per experientiam, sicut nos vidimus. *Re.* Florem animatum, quem rectificas ter in cineribus, terras (*feces terrestres*) semper abjice. Tum destilla in balneo tres partes a quatuor, residuum abjice. Hoc repete adhuc semel; tandem destilla totum, ita habebis florem animatum rectificatum. Recipe jam vas magnum (*cucurbitam*) & impone florem rectificatum, occlude os vasis gossypio, appone alembicum cum recipiente & leni calore cinerum totum vel maxima pars sublimabitur in forma salis pretiosissimi, quo (si velis) acuas C. nostrum, quod denuo circulabis juxta *cap. D. D.* quocum potes perficere omnes tuas operationes, quas docui in *cap. praecedentibus*, quas citius complebis hoc menstruo.

Verum enim vero si desideres sulphur animale naturae, necessarium est, ut protinus sublimes, postquam rectificaveris florem desideratum, videlicet imbibendo terram juxta modum & ordinem, quem diximus in opere vegetabili, hoc est, cum octava parte, septima, sexta, quinta, & quarta, sublima & utere, sicut in opere vegetabili, videlicet acuendo florem animatum suo sulphure animali sublimate, circulando & faciendo omnia uti in opere vegetabili. Nunc fili vides, quo amore te prosequor, cum talia toties atque toties repetam, tantoque labore, ne de me conquerendi ansam haberes, & ut expertus esse in re qualibet, in qua te errare posse, mihi persuaseram.

Idco

Ideò repetimus & descripsimus in hoc capite, quod nullus philosophus unquam fecit in magno suo volumine; & faciliè crediderim, nullum philosophorum ausum fuisse tam longam & amplam practicam ac hanc nostram describere. Quod omne procedit ex paterno meo affectu erga te, quo te obstrictum volumus sub pœna divinæ displicentiæ, noli cuiquam hanc detegere, sed potius combure eam, quam citò eam reduxeris in usum, uti sæpe sapiùs nobis promisisti. Ulteriùs te admonco, quòd contendere velis, ut vivas juxtà triumphans Evangelium gratiæ & pacis; rejice & vita societates & actiones malas, uti sæpiùs te admonuimus; secùs autem si facias, non placebis illi, qui est dator hujus famosæ scientiæ, omnis boni & gratiæ.

Ex Receptis annotamus.

1. *Ha quæ in præcedenti quinto genere annotata fuere, huc etiam referri posse, cum menstrua hujus generis solâ materiâ differant ab antecedentibus hæc ex vino phil. tantum, illa ex fixis rerum diversarum salibus confecta fuere, verùm quoad sublimandi methodum, vel modum conficiendi salia harmoniaca vegetabilia, tam hæc quàm illa in omnibus conveniunt.*

2. *Salia hæc harmoniaca dici sulphura naturæ. In præparatione Vini philosophici terra quædam invenitur, quæ sulphur existens in ipso mercurio vegetabili, mercurium proprium coagulans dicitur, ob quam terram vocarunt altam quamcumque terram exanimatam & fixam Sulphur, spiritum verò animatum (Essentiam, Tincturam, &c.) appellavere Mercurium, hoc sulphure coagulandum, ambo verò hæc, cum in unum corpus fuerint redacta & sublimata, vocarunt sulphur Naturæ (non amplius fixum sed) sublimatum.*

3. *Salia hæc dici naturæ sulphura, ad distinctionem sulphuris contra naturam, hoc est, cujuscunque acidit. Ignis, inquit Ripheus, differt multis modis; unus enim est ignis naturalis, alius innaturalis, alius elementalis, & alius contra naturam. Ignis naturalis est is, qui provenit ex influentia solis & lunæ, atque stellarum, à quibus generantur spiritus aquarum ardentium, vapores essentialis mineralium, atque etiam virtutes natura-*

les

les rerum viventium. Innaturalis est ignis occasionatus, qui vocatur ignis humidus artificialiter factus à philosophis. Vocatur etiam ignis primi gradus, qui per simplicem contemperantiam caloris vocatur Balneum, flusa, sterquilinum, in hoc igne fit putrefactio nostri lapidis. Ignis elementalis est qui fixat, calcinat, & comburit & nutritur rebus combustibilibus. Ignis contra naturam dissolvit in potentia, terit, interficit, & destruit potentiam gubernativam formæ lapidis: Nam dissolvit lapidem in aquam nubis cum destructione formæ specificæ. Vocatur autem ignis contra naturam, quia operatio illius est contra omnes naturales operationes, ut asserit Raymundus. Nam omnia quæ natura composuit, hic ignis destruit & ducit ad corruptionem, nisi addatur illi ignis naturæ, &c. *Med. phil. pag. 135.* Quare & quatuor sunt ignes in arte nostra, scilicet naturalis, qui est menstruum sericonis; innaturalis, id est, firmus equinus vel vindemæ, & hujusmodi; elementaris hoc est qui lignis & aliis combustibilibus fomentatur, & contra naturam, hoc est, omnes aquæ corrosivæ factæ ex vitriolo, salibus & hujusmodi rebus. *Viatic. pag. 342. Sed de his alio loco, videlicet libro quinto.*

4. *Salia hæc statim post sui sublimationem in usum esse adhibenda.*

5. *Aquam vitæ phil. etiamsi quoad posse rectificatam, in se tamen superfluum quandam continere humiditatem: quam de se ejicit vel circulando per se, uti in præparatione Cæli Lullii, vel imbibendo in rebus fixis, ut in dictorum salium confectioibus.*

6. *Menstruum ex Cælo Lullii, essentiâ vel oleo vini phil. confectum reliquis quidem non esse fortius, quoad salis harmoniaci præparationem, etiamsi citius cum hoc oleo, quàm aquâ ardente simplici id conficiatur, sed quatenus sal harmoniacum modo confectum non in tenui aqua phil. sed in oleo sive aqua vitæ circulata, commisceatur iterumque circuletur.*

7. *Diversimodas horum salium sublimationes quàm maxime nobis exponere tam ipsius spiritus vini, quàm menstruorum horum naturam, insuperque commendare Lullii incomparabilem harum rerum experientiam.*

8. *Mer-*

8. Menstrua animalia, licet ex urina aliisque partibus humanis confecta, minus proprie tamen sic dici, quamdiu ipse spiritus vini phil. materia fuerit vegetabilis & solummodo re animali acuata. Imò ipse Vini phil. spiritus etiam ex animali Regno confectus, ut & acuatus, à menstruis tamen vegetabilibus simplicibus non differret in dissolvendi proprietatibus, quia unà cum dictis menstruis vegetabilibus simplicibus plurimum distaret à tingendi facultate menstruorum vegetabilium compositorum à quibus distingui debet, ubi aliàs inter vegetabilia menstrua numerari posset.

Ullt
Lauri.

2

O 2 VII. Genus.

Faint, illegible text at the bottom of the page, likely bleed-through from the reverse side.